

Bero-beroan

ONINTZA IRURETA

John Edwards soziolinguista “La Vanguardia”n

TXERRA RODRIGUEZEK ekarri du John Edwards Quebecoko soziolinguistari *La Vanguardian* egindako elkarrizketa. Interesgarria da eta hainbat pasarte gogoeta egiteko modukoak. Hona horietako bat: “– Elebitasuna hizkuntza ahulena desagertuta bukatzen al da?

Bere lurraldean nagusitasuna galdu duenari berea itzultzeko ez dira nahikoa pare bat lege eta hainbat isun; ezinbestekoa litzateke hizkuntza baztertu duten merkatuaren beraren indarrak eta globalizazioa

deuseztatuko lituzkeen benetako iraultza. Horrek kostu handia dauka eta ez da beti demokraziarekin bateragarria.

– Zergatik?

Indar horiek lanean ari dira, gehien-goari mesede egiten dielako. Ekin-tzaileek gaelikoa hitz egin nahi dute, baina ingelesa hitz egitearen pribilegioez gozatuz. Eta ezin liteke”.

Elkarrizketa osoa:

www.blogak.com/garaigoikoa

“Komiki mutua” lehiaketa

ALTSASUKO (NAFARROA) Kima euskara elkarteak antolatu du *Komiki*

mutua lehiaketa. Arturo Arrizabalaga *Jartur*-ek marrazturiko komikiari parte-hartzaileek izenburua eta testuak jarri behar dizkiote. Lanak aurkezteko epea urtarrilaren 27an amaituko da.

Jorge Cortes Izal hil da

OTSAGABIARRA 79 urterekin hil da. Nafarroako ikastolen sortzaileetakoa izan da eta baita euskaltzain urgazlea ere. Euskara ikasten arituzen Asisko Urmeneta irakasle zuela, Pablo Antoñana eta Jose Maria Jimeno Jurio bere adiskideekin batera. 2008an Jimeno Jurio saria jaso zuen, euskararen alde egindako lanagatik.



Honelako albisteak egunero irakurtzeko, jaso [hari@DOAN](mailto:hari@doan.euzkadi.net) e-postaz:
www.argia.com/harpidetza_haria.php

BAHEA

TALAIAN

Gutxieneko soldatak, pentsioak eta politikariak

Euskal Herriko eta Espainiako Estatuko langile eta pentsionistek egun hauetan jasoko dituzte nominak gutxieneko soldatarekin edota pentsioak 2010 urterako “eguneratuak”. Agintariak, diputatuak, senatariak, presidentek, Aldundi eta Udalek, bai eta epaileak ere jasoko dituzte eurenak. Baina zein ezberdinak!

Gutxieneko soldata eguneratua 624 eurokoa da hilean eta hamarnaka mila laguni eragiten die. Politikariak 3.900 eta 7.000 euro arteko soldata eguneratuak jasoko dituzte, dietak, bidaiak eta abar kontuan izan gabe. Espainiako Gobernuak presidentek 7.000 euro inguru jasoko ditu; Patxi Lopez, Jose Luis Bilbao eta Iñaki Azkunak 7.000 euro baino gehiago bakoitzak; Odon Elorza eta Patxi Lazcozek 6.000na euro; Miguel Sanzek 6.000 inguru eta Yolanda Barcinak 5.000 euro gutxi gorabehera. Diputatuak hilean 3.900 euro jasoko dituzte, baina dietak gehituta, 6.000 euroak gaindituko dituzte. Eurodiputatuak, 7.000 euro baino gehiago. Botere judizialeko 21 bokalek 6.500 euro baino gehiago kobratzen dute eta goi-karguek 8.000tik gora. Eta Espainiako Errege Etxeak ia bederatzi milioi euro jasoko ditu aurtent! Pentsioei dagokienez, milaka lagunek hilean 365 eta 679 euro artean jasotzen dute. Politikariak pentsio maximoa jasotzen dute, alegia 2.446 euro. Langileek pentsioa kobratzeko 35 urtez egin behar dute lan eta gutxienez hamabost urtez kotizatu. Diputatuak zazpi urterekin pentsio maximoa lortzen dute. Gobernuak kideak karguari zin egitea nahikoa dute.

Hori da egoera erreala. Zergatik dago horren alde handia “zerbitzari publikoak” direnean? Zergatik pribilegio horiek? Zer gizarte ari gara sortzen? Zer etsenplu ematen dute politikariak, beraiek dira-eta soldaten eta pentsioen murrizketak inposatzen dituztenak? Ez daitezela harritu herritarrek lotsagabe, bizizale, esplotatzaile eta hipokritatzat hartzen dituztelako.

Juan Mari Arregi

Jon Alemanek Berrian esanak:

“ETBri gertatu zaio horrelakoren bat. Espainolizatu egin omen dute PSE-PPk. (...) Eta, hala ere, nago, boikot hori ez ote den gure teiltuari harrika aritzea bezalakoa. Zeren, ene galdera da, zer katearekin ordezkatu dute ETB1? Ba al dago euskarazko beste katerik? Ez. Edo, beharbada, asko jota ere, ba al dago erdarazko beste kateren bat Euskal Herriaren aldekoa? Nik ezagutzen ez”.

Inazio Lopezek Hiria argitaletxeak argitaratutako Peru Abarkaren berrargitalpenaz Berrian esanak:

“Hasteko, testuaren edizioa berrant eskasa da. Seguruenik, balizko irakurleari gustatuko zitzaiokeen jakitea zein edizio aukeratu den testua finkatzeko, edota grafia gaurkotu denetz, eta nolako irizpideak erabiliz. Halaber, balizko irakurle horrek ez du argibide filologikorik aurkituko. (...) Guztia ere, gutun hau idaztera bultzatu nauena liburuak hitzaurre gisa daukan sarrera –Luis Haranburu Altunak sinatua– izan da; horrenbeste harritu bainau sarrera hori akatsez josita aurkitzeak. Akats horiek zenbatzeko lana hartu dut, eta ... ehunka daudel”.

Bada berrikuntzarik ETArek agirian

ZUHUR ETA EZKOR hartu da ETArek azken komunikatua, ez ei du borroka armatuaren amaiera iragartzen, ETArek aldetik interesatzen den komunikatu bakarria "armak noiz eta non utziko dituen iragartzen duena da" eta gisakoak errepikatu dira beste behin ere. Eta bai, ETArekin zuhur ibiltzea da logiko eta zentzuzkoena; ez da samurra bere komunikatuak interpretatzea eta, egiazki, euskal gizarteak borroka armatua behin-betiko utziko duela entzun nahi du. Bai, pentsatzekoa da ETak ez zuela esperoko agiri hau etxfuegoekin hartuko zenik.

Baina komunikatua berrikuntzarik ez ikustea, hori bai dela interesatua. Ikuspegi ahalik eta objektiboenetik begiratuta, berrikuntzak begi-bistakoak dira, bai hizkuntzan, doinuan eta batez ere edukian: argi eta garbi adierazten du bat egiten duela Altsasuko Adierazpenarekin, honek esan gura duen guztiarekin.

Gero hori guztia betekoa duen ala ez, bada, batek daki, Anoetako prozesuarekin ere ados zegoela argi utzi zuen bere garaian —oraingo agirian ere errepikatu du— eta denok ezagutzen dugu ondoren gertatutakoa. Erabat harrigarria egiten da Loiolan erdietsitako akordioak atzera botatzea eta orain berriz gisa honetako prozesu bat abiaraztea. Izango dira oraindik publikoki ezagutzen ez diren klabeak, eta ez ninduke harrituko horietako batzuk ENAMen batasun eta zatiketa kontuekin zerikusirik balute.

Hau da, eta azken agirira itzulita, ETak sinesgarritasun arazo handiak dituela bai, eta eltzeta sutan frogatzen dela ere bai, baina komunikatu honetan berrikuntzarik ez dela ikustea... hori itsuarena egitea da, edo bestela, lehenxeago esan bezala, oso interesatua eta usain txarrekoa

7K Maskarada
en escena treinta años después
ALDO KACERBIO, el primer ministro de Euzkadi, en la presentación de la obra.
GUARDIA CORREIA, el nuevo gerente de Euzkadi

GARA
17
17 de mayo
1999

ETA hace suyos los planteamientos expresados por la izquierda abertzale
AFIRMA QUE «HAY EN LA LUCHA POLÍTICA DONDE SON MÁS FUERTES Y SALIDA LA IMAGEN OFICIAL EN Euzkadi»
MANIFIESTA, EN UN COMUNICADO, QUE LA PRINCIPAL GARANTÍA DEL PROCESO DEMOCRÁTICO ES ACTUAR A LA SOCIEDAD

Haití es la peor catástrofe a la que se ha enfrentado la ONU
El terremoto que el pasado 12 de enero destruyó la capital de Haití, Port-au-Prince, y la peor crisis humanitaria de la historia reciente del mundo, según la ONU, es la peor catástrofe a la que se ha enfrentado la ONU.

LECCIÓN DE RAZA A LOS GALÁCTICOS (1-0)
El Athletic de Bilbao se enfrenta al Real Madrid en el estadio de Anoeta, el sábado 15 de mayo, a las 20.00 horas.

euskal gizartearen gaur egungo bake nahiekiko.

Urrats oso garrantzitsua da Altsasukoa, batez ere baldintzarik jartzen ez duelako eta Mitchel printzipioak onartzen dituelako. Hauek, laburtuz, honakoa diote.

– Gatazka politikoak bide baketsu eta politikoetatik konpondu behar dira.

– Talde paramilitarrak desarmatu.

– Desarme batzorde batek desarmea egiaztatu ahal izatea.

– Indarra erabiltzeari uko egitea, eta norbaitek erabiltzen badu horren aurka agertzea.

– Alderdien arteko negoziaketaz lorturikoa bultzatzea eta bakarrik bide demokratiko eta baketsuak erabiltzea adostasunean ez dauden puntuak aldatzeko.

– Heriotzak eta zigorrak geldiaraztea.

Azken hilabeteetako nahasmena ikusita, ETari eskatzen zitzaion bere jarrera agertzea. Erakunde honek esan du orain ados dagoela goiko lerroetan esaten den guztiarekin, eta alderdi politiko gehienek diote hor ez dagoela berrikuntzarik?

Noiz gertatu da, bada, horrelakorik ETaren historian? Egia da aurretik ere su-etenak eskaini dituela, baina ez Mitchell printzipioen plan-teamendupean.

Batasunako buruzagiek "prozesu demokratiko" hau agertu zuteanean ere berrikuntzarik ez zegoela aipatu zen oso modu zabalean. Gerora, apurka, hasieran emandakoa baino garrantzi gehiago aitortzen joan dira eragile politikoak. Honekin berdintsu gertatuko dela aurreikus liteke.

Baina, eta orduan Portugaleko mugako leherkarien mugimenduak? Aitortu behar da ez dela oso bateragarria Mitchell printzipioekin bat egin eta halako mugimenduetan aritzea. Bitxia da, halaber, printzipio horiek onartu eta borroka armatuaren amaiera ez iragartzea. Baina pentsatzekoa da baita ere, oraingoa bide armatua alboratzeko benetako azken saioa bada, logikoa dela ETak armekiko adioa kudeatzea eta urratsak "prozesu demokratiko" horren komenientzia politikoaren arabera bideratzea.

HAITI-KO HONDAMENDIAK, eta, batez ere irudiek, dantzan jarri dituzte Mendebaldeko herritarren kontzientziak. Eta karitatea eta justiziarren arteko eztabaida berriz geratu da agerian, aspaldian ez bezalako indarrez. Milaka hildakoak itoginaren gisan ematen badira, urteetan zehar, berdin da. Lurrikara eta irudiak behar dira asaldatzeko eta kontzientziak astintzeko. Gure "lehen mundu" honen hipokrisiak gaindiezina dirudi. Une honetan, dena den, eta haitiarren larrutan jarrita bederen, hausnarketa gutxi eta egin asko, hori da laguntzak eta elkartasunak eskatzen dutena.